

La Vía Campesina

International farmers movement
Movimiento campesino internacional
Mouvement paysan international
Gerakan petani internasional

Secretaria operativa/ Operative secretariat: Jln. Mampang Prapatan XIV No. 5 Jakarta Selatan 12790
Tel/fax: +62-21-7991890/+62-21-7993426 Email: viacampesina@viacampesina.org Website:
<http://www.viacampesina.org>

KOMUIKADU BA IMPRENSA

JUVENTUDE LA VIA CAMPESINA

La Via Campesina Rejiaun Sudueste Ázia no Ázia Leste hala'o konferénsia Joven Agrikultór ba daruak iha Dili Timor-Leste hahú lora 25 to'o 29 de Marsu 2009. Lideransa Juventude sira hosi Tailândia, Indonézia, Korea do Súl, Japaun, Australia no Timor-Leste, sira fahe esperiénsia kona-ba situasaun atuál joventude nian, halo mós diskusaun ne'ebé profunda kona-ba papél joventude iha ida-idak nia nasaun no-mós komitmentu joventude nian hodi hala'o soberania aihan.

Delegasaun joventude hosi nasaun hirak ne'e hela lora hirak keda iha Timor-Leste, sira aprende buat barak iha Suku Uma Kaduak, Distrito Manatuto. Sira fahe esperiénsia ba malu kona-ba hahan lokál, kultura, kuda ai-oan hamutuk ho joventude agrikultór sira iha Timor-Leste hanesan esperansa ba futuru.

Joventude La Via Campesina sira fahe esperiénsia ba malu kona-ba luta iha ida-idak nia nasaun no hodi hatene laran susar/des-esperansa hirak ne'ebé mak oras ne'e infrenta hosi joventude La Via Campesina Timor-Leste nian. Ijemplu konkreta mak utilizaun rai éktare 100.000 hodi kuda tohu ba agrofuel, projetu bot sentru eletrika ne'ebé uza óliu-pezada, intrudúz no kuda dau-dauk fini hibrida liu éktare 3000 iha Distrito Bobonaro, distribuisaun tratór-liman ba agrikultór sira, ida halo agrikultór sira muda sistéma agrikultura ida ne'e la istraga meu-ambiente ba fali mekanizasaun, akontese migrasaun ne'ebé bot hosi suku sira ba sai traballadór iha nasaun seluk ho salariu ne'ebé ki'ik.

Problema ne'ebé hanesan mós akontese iha nasaun sira seluk hanesan Australia, área agrikultura sai luan ba nafatin, maibé kuantidade agrikultór sira menus ba bebeik. Iha Japaun joven barak mak halai hotu ba buka servisu iha sidade bot sira, maibé kuandu lahetan servisu joven hirak ne'e sai padese fali iha sidade. Luta ba reforma agraria iha Tailândia, Filipina no Japaun, sai fali hanesan problema boot tanba mosu fali violasaun ba direitu ba agrikultór sira iha nasaun hira ne'e. Luta ne'ebé mak agrikultór sira halo hodi defende sira nia direitu forti ba bebeik hodi to'o hetan konvensaun internasionál ba direitu agrikultór nian ne'ebé tane-ás mos hosi La Via Campesina. Organizaun sira ASEAN nia oras ne'e forma ona komisaun spesilizada ba direitus emar nian ne'ebé sei fo vantazen diak ba La Via Campesina hodi tau ona ba ajenda ká issu direitus agrikultór nian ba ajenda servisu ba komisaun direitus emar nian iha ASEAN.

Krizi mundiál ne'ebé akontese dau-dauk, fo amiasa maka'as ba fiziku no mentalidade ema nian. Tinan 3 ikus, dadus hatudu katak ema liu 3000 iha Korea do Súl halo asaun oho-án tanba tusan

ne'ebé bot, tan deit atu infrenta moris iha área agrikultura no-mós hahan importasaun ne'ebé baratu liu ne'ebé suli ba iha menkadu korea do súl nian. Iha Autralia mais ou menus ema besik 1,5 miliuan ne'ebé ho idade 18 mai kraik sai bokur ne'ebé la normál. Ida ne'e bele nota katak 20-25% labarik sira iha Australia infrenta isin bokur ne'ebé la-normál.

Organizasaun Komersiu Muldiál nia (WTO) halo presu no produsaun agrikultura nian monu, hamlaha, ki'ak no halo agrikultór miliaun ba miliaun sai terus ba bebeik. Ho tratadu FTA (tratadu komersiu livre) ne'ebé loke merkadu lokál, hanesan basa ida maka'as ká insulta boot ida ba agrikultór sira tanba lakon vida moris lor-loron nian. Kompañia bot sira hanesan TNC komesa ona introúz fini modifikadu ne'ebé koñesidu ho GMO no-mós adubus kímiku sira ne'ebé hodi hamosu dependénsia agrikultór tabele maka'as ba kompañia hirak ne'e. Tamba hahalok hirak ne'e, halakon dadauk ona fini lokál ne'ebé hanesan eransa hosi avo ba viza-avo sira nian. Projetu irigasaun boot iha mota Mekong halo dezastre boot ekosistéma iha nasaun 6 tanba peskadór sira lakon vida moris lor-loron nian.

Atu infrenta realidadi moris ne'ebé susar ba bebeik oras ne'e dadauk, joventude La Via Campesina feto ka mane iha ispiritu no esperansa boot promete hodi luta nafatin iha nível hotu-hotu ho komitmentu katak :

1. Solidaridadadi hamutuk ho joventude Timor-Leste hodi suportu luta hodi haforsa organizasaun juvenil nasional nian hodi reforma agraria.
2. Harí aliansi joventude no halo estudusa komparativa joventude nian entre membru La Via Campesina iha rejiaun sudueste Ázia no Ázia Leste nian.
3. Iha asesus ba área ká rai ba agrikultura hanesan dalan hodi kria kampu servisu ba joventude bele hela metin iha sira nia nasaun hodi garanti ai-han ne'ebé sufsiente ba planeta ida ne'e.
4. Rejeita no contra total desizaun neo-liberalismu ne'ebé hanehan nafatin povu.
5. Juventude La Via Campesina sei halo asaun no atividade iha 17 de abril hodi komemora loron luta ba agrikultór internacional nian.

Dili, 30 Maret 2009

**Globalize struggle,
Globalize hope!!**

La Via Campesina hanesan organizasaun movimentu popular agrikultór internacional, vizita ami nia website www.viacampesina.org